

REGLUR

fyrir félagshemilið Fagrihvammur í Rauðasandshreppi.

1. gr.

Nafn félagshemilisins er Fagrihvammur í Rauðasandshreppi í Vestur-Barðastrandarsýslu. Lóðin er lögð til af eigendum jarðanna Efri- og Neðri-Tunga, sem er þingstaður hreppsins, enda er félagshemilið jafnframt þinghús hreppsins. Húsið er byggt fyrir framlög frá ungmennafélögum í hreppnum, sveitarsjóði Rauðasandshrepps, öðrum félagasamtökum, svo og fyrir önnur fjárframlög og vinnugjafir einstakra manna. Á almennum hreppsfundi 1956 var sú ákvörðun tekin að Rauðasandshreppur ætti húsið, enda hafði það á vígsludegi verið afhent hreppsfundinni fyrir hönd hreppsins.

2. gr.

Húsnefnd (framkvæmdanefnd) kjörin til tveggja ára stjórnar húsinu. Skal hún kjörin á almennum hreppsfundi og skipuð fimm manns, konum og körlum. Nefndin má vera skipuð þremur konum og tveimur körlum eða öfugt, en kosning fer fram á seðlum. Að loknu fyrsta starfsári nefndarinnar skal draga út úr henni eina konu og einn karl og kjósa svo í þeirra stað til tveggja ára. Næsta ár ganga svo hin þrjú úr nefndinni og er þá kosið í þeirra stað. Heimilt er að endurkjósa fólk í nefndina. Varamenn skulu kosnir jafnmargir og fer útdráttur þeirra og kjör á sama hátt og aðalmanna. Framkvæmdanefnd skiptir sjálf með sér verkum. Hún skal halda nákvæma gerðabók yfir verk sín og ákvarðanir. Ef félagshemilið hættir störfum, skal afhenda þjóðskjalasafni gerðabækur þess til vörzlu.

3. gr.

Framkvæmdanefnd heldur fundi þegar þurfa þykir. Skytt er henni að halda fund, ef tveir nefndarmanna æskja þess.

Á almennum hreppsfundi, sem haldinn mun að jafnaði í marsmánuði, skal framkvæmdanefndin leggja fram reksturs- og efnahagsreikning heimilisins fyrir síðastliðið ár, endurskoðaða af endurskoðanda sveitarsjóðsreikninga. Einnig leggur hún fyrir fundinn fjárhagsáætlun fyrir félagshemilið á yfirstandandi ári. Fjárhagsáætlunin skal gerð svo nákvæm sem unnt er. Eigi má efna til verulegra útgjalda til fjárfestingar, nema samþykkt hafi verið á almennum hreppsfundi. Reikninga og fjárhagsáætlun skal bera undir atkvæði fundarmanna. Afrit af ársreikningum félagshemilisins skal senda stjórn Félagshemilásjóðs og hreppsfund Rauðasandshrepps. Félagshemilið skal rekið sem sjálfstæð stofnun með sérstöku reikningshaldi, undir yfirumsjón hreppsfundar. Almanaksárið er reikningsár þess.

4. gr.

Aðalverkefni húsnefndar (framkvæmdanefndar) eru:

- a. Að ráða húsvörð, þegar þess er talin þörf að dómi nefndarinnar, setja honum starfsreglur og sjá um að þeim sé fylgt.
- b. Að ráða annað starfsfólk, ef hún telur það nauðsynlegt. Leita skal umsagnar húsvarðar um ráðningu starfsfólks, sem á að vinna undir hans stjórn. Heimilt er að húsvörður sé úr hópi húsnefndar (framkv. nefndar).
- c. Að ráðstafa félagshemilinu til afnota fyrir eigendur og aðra.
- d. Að ákveða gjöld fyrir afnot hússins.

- e. Að annast kaup nauðsynlegra tækja og áhalda, svo og að annast kaup á **110** öðru er þurfa þykir, svo að samkomur og mannfundur geti farið fram á veg- 15. júní um heimilisins.
- f. Að sjá um viðhald og endurbætur húseignar, húsbúnaðar og áhalda.
- g. Að sjá um að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í allri umgengni.
- h. Að sjá um að húsið sé hæfilega hitað og lýst.
- i. Að sjá um að löggæzla sé á samkomum.
- j. Að sjá um yfirleitt allt annað, er varðar rekstur félagsheimilisins og ekki hefur verið talið hér að framan.

5. gr.

Eigendur félagsheimilisins (sveitarsjóður Rauðasandshrepps) skulu, eins og aðrir, greiða fyrir afnot hússins. Skyll er að heimila félögum innansveitar, þeim er greinir í 1. gr. laga nr. 77/1947 um félagsheimili, afnot af húsinu, gegn hæfilegu gjaldi, ef það fer eigi í bága við þörf eigendanna. Verði ágreiningur um það, hvort slíkt félag eigi rétt til afnota af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há, að nægilegt fé fáiast til að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseign, áhöld og annað lausafé sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða ekki við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingar, koma húsbúnaði og áhöldum á sinn stað, koma óskilamunum í örugga vörzlu og loka loks vel húsum og gluggum.

9. gr.

Að lokinni hverri notkun félagsheimilisins skal húsvörður sjá um ræstingu þess, þ. e. a. s. að gólf séu þvegin úr sápuvatni, salerni hreinsuð vandlega með sótt-hreinsandi efni og fatageymslur og búningsherbergi ræst. Árlega skal fara fram gagnger ræsting hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni hreinlegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri girðingu, er haldið sé vel við. Bifreiðastæði skal haldið hreinlega og vel við.

11. gr.

Fánastöng skal vera við húsið, henni skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveimur hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt, að nota eingöngu fána með réttum litum og hlutföllum.

12. gr.

Árlega skal athuga alla húseignina vandlega með viðgerð fyrir augum. Einkum skal athuga múrhúðun, þak og þakrennur, niðurföll, hurðir og dyraumbúnaði,

- 110** glugga (utan og innan), málningu gólfduka, klæðningu veggja, hreinlætistæki, raf-
15. júní lagnir og ljósataeki, vatnslögn og krana, gluggatjöld, leiksviðstjöld, gólf í samkomu-
sal og víðar, eldavél og hitunartæki o. s. frv.

13. gr.

Skemmdir á húseign, áhöldum og húsbúnaði, umfram eðlilegt slit, skulu þeir kosta endurbætur á, er spjöllum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, sem gegn þessu brjóta, aðgangi að félagsheimilinu um ákveðinn tíma.

15. gr.

Húsnefndin getur í samráði við sýslumann Barðastrandarsýslu, ráðið einn eða fleiri löggæzlumenn til þess að annast reglu á samkomum í félagsheimilinu. Kaup til slíkra löggæzlumanna greiða þeir, er fyrir samkomu standa hverju sinni, eða eftir því, sem lög mæla fyrir á hverjum tíma.

16. gr.

Reglur þessar, sem settar eru með skírskotun til 8. gr. laga nr. 77 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Þannig samþykkt á almennum hreppsfundi í félagsheimilinu Fagrihvammur föstudaginn 22. marz 1957.

Framanritaðar reglur staðfestast hér með.

Menntamálaráðuneytið, 15. júní 1960.

F. h. r.

Ásgeir Pétursson.

Knútur Hallsson.

III

24. júní

AUGLÝSING**um viðauka og breytingar á lyfsöluskrá II.**

Frá og með 27. júní 1960 ganga í gildi viðaukar og breytingar, útgefnar í dag, á lyfsöluskrá II frá 10. desember 1958.

Í dóms- og kirkjumálaráðuneytinu, 24. júní 1960.

F. h. r.

Gústav A. Jónasson.

Ragnar Bjarkan.